

5

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

JAN 26 1954

T5417 / 4298 B1

楊升庵集
五

五三十四

升菴先生文集卷之十三

成都楊慎著

從子

有仁編輯

哈爾濱大學哈爾濱印

古樂府

海估行 二首

海估汎來錦浪飛綃宮夜取萬珠璣翻身驚起蛟龍

月血心清冷竟不歸

偃月堂空罷舞塵靖安坊冷怨佳人芙蓉蓮子隨他去不及當年石李倫

後學趙開義校正
高安陳邦瞻重校
江陽王藩臣全校
內江蕭如松

吳楚行

神女巫山上西施越網中朝雲迷楚國夕露滿吳宮
謝丹楓樹歌臺綠蕙叢伍員魂已斷宋玉賦休工

涉江采芙蓉

沉沉秋水灼灼芙蓉花葉葉凌清霜枝枝明朝霞
娟娟東隣子采采惜芳華昔時贈同心今日悲天涯
欲寄無因向風長嘆嗟

古日出行

晨登石巒望浮雲何相羊飄風自東來若木迴其光
景曜溥萬里下界猶蒼涼曾崖自鬱鬱芳蔭含春霜

草虫 何微感物鳴其傍天池有黃鵠一舉知園方

靈菊篇效陸平原

靈菊 幽崖擢穎凌寒颼春露不染色秋霜不改條
三身 玄根九陽晞素苗衡星散光晶香氣何飄飄

東林生玉樹西畹生蘭翹懿此歲蕤茂感彼芸黃凋
采爲仙人食千載通一朝金童酌霞醴神女彈雲璈
顧視西王母翠髮如陵苕

數燕曲

方云真選體

有鳥名飛燕雄雌自相將飲君玉池水巢君文杏梁
美人當軒坐恐浣羅衣裳請君駈除之君憐不忍傷

雛生八九子嬌愛比鳳皇鳴聲何啾啾聞我庭東廂
習飛還不遠墮墜雙扉旁主人戒廬兒毛羽無摧戕
一啄五株桃不喫五畝梁秋風從西起翩翩向南翔
昔爲黃口兒今爲烏衣郎辭巢謝主人華屋思難忘
願主壽千歲歲歲巢君堂

方云有風有體

扶南曲

五首

春人曲房羅綺雜花香遠思河邊草柔情陌上桑
歸來月下路羞見紫鴛鴦
愁窺絲綺琴絃澁不成音鏡裏春春貌牕前夜夜心
臨邛人去遠離夢繞花陰

清歌發皓齒良夜足歡娛誓好同心結迎祥百子圖
千金富一刻城上莫啼烏

遊賞上春時踟躕望所思花嬌初學臉柳淺未成眉
問訊池頭水微波可致辭

淇上輕盈侶巫陽縹緲仙晚歸因鬪草春困爲秋千
羅帳合雙咲燈昏尚未眠

烏棲曲

四首

金蓮作杵瓊瑰砧蛟龍艷錦鴛鴦衾并刀未剪燕霜
落何日征衣到沙漠

晝漏迢迢春灑灑草如柔荊花如焰白日紅牕恨轉

多箇儂無計奈春何

汝南鳴鷄烏臼鳥強顏饒舌催天曉殘粧相送淚闌

六月帳雲屏生曉寒

月華二八星三五丁丁漏水戛戛鼓相思相憶阻河

橋可憐人度可憐宵

方云真得齊梁風致而不流

宛轉歌

明河一幌月棲簷驚鳥號林螢入簾美人遙夜歌宛

轉羅衣不裝宮黃淺愁聽更漏轉分明統統樓頭五

鼓聲

米白紵舞歌

二首

仙人八着帝臺棋高張洞越吹參差二八遮代三商

移含嬌吝彩閨容儀流雲不度華星遲鑪火九微鐙

九枝鴛鴦飛爵朱顏怡傳空引滿客忘疲滿堂不語

心相

又

英英白紵雪色光機杼出自寒女房裁作舞衣雙袖

長吳娃魏粲自相將宛轉顧步雙鴛鴦儼若星月舒

芒髮如結旌體如翔秋葯葯音約白芷葉也被風蘭裊香

回身再拜奉瑤觴千秋萬歲侍君王方云雖使沈約復生亦當心服

桂湖曲送胡孝思

君來桂湖上湖水生清風清風如君懷灑然秋期同
君去桂湖上湖水映明月明月如懷君悵然何時輟
湖風向客清湖月照人明別離俱有憶風月重合情
含情重合情攀畱桂之樹珍重一枝才畱連千里句
明年桂花開君在雨花臺隴禽傳語去江鯉寄書來

方云
流麗

八堤曲

大堤二三月垂楊千萬把上枝堪藏鴉下根堪繫馬
藏鴉繫馬晚樓邊沉水香焚清酒傳紅霞宛宛歌聲
外漢水團團明鏡前夜飲朝眠歡不足秋去春來芳

草綠只知郎橐盡黃金不道妾顏銷白玉江有方洲
岸有沙牙檣絲纜各天涯釵橫花困驚殘夢不信行
人不崎嶇

夕照 三首

冬晴連月歲欲闌北屋脩影迴南巒行人喜舞農人
歡負耒杖策各自返過涉不愁溪水寒

又

岸梅春動江不波玉顏粲粲回鏡柯橘洲霜晚繁香
多吁嗟二物堪贈遠如此萬里關山何

又

岷山白日多光輝清江激霧雪霰稀魚龍不蟄鴻鴈
飛塞上將軍未解甲城南思婦夜縫衣

阻風曲鐘子磯作

三首

峭石驚磯橫浦口朔風半夜蛟龍吼一枕波濤萬里
心江水客愁誰淺深

行人夜唱江南曲巴歛楚夢遙相續聲聲怨暝復愁
更訴盡離情天未明

啼猿峽口江流遠回鴈峰前沙磧晚水驛梅花開未
開緘情千里寄陽臺

幡幡中林葉別內兄黃峻卿

幡幡中林葉迢迢語離別

玉溪云宛轉有風致

離別不可親稍

思隔南津南津首北路莽莽入烟霧夙昔欣芝蘭疴
體成歡頰只戀携手好豈知行路難前有一樽酒絃

歌清商曲行子唱驪駒主人彈別鵠別鵠影悠悠寄
音下西州一言展契濶再言申綢繆

玉溪云情到典到古意古體

垂柳篇

楚雄苴力橋有垂柳一株婉的可愛往來過
之賦此志感

靈和殿前艷陽時忘憂館裏光風吹千門萬戶旌旗
色九陌三條雨露姿蒼涼苑日籠燕甸縹緲宮雲覆

京縣芳樹重重歸院迷飄飄點點臨池見臨池歸院
總仙曹應制分題競彩毫詔乘西第將軍馬詩奪東
方學士袍金明綠暗留烟霧舊燕新鶯換朝暮只知
眉黛爲君顰肯信腰肢有人妬從此沉淪萬里身可
憐憔悴四經春支離散木甘時棄攀折荒亭委路塵
搖落秋空上林遠婆娑生意華年晚腸斷關山明月
樓一聲橫笛清霜坂

江干行答禹山

吳娃江干采芙蓉陳王洛浦賦遊龍忽驚繡帶香風
起漸覺羅裳珠露濃不緣織女星邊見定是嫦娥月

下逢逢君薦枕對襄王別君解珮悲交甫青雲窈窕
曼聲歌綠水迴環垂手舞鸞歌鳳舞無雙人燕歲鶯
年二八春百末蘭生延夕漏九華采燈爛晴晝金屏
花裏活秦宮寶帳香中隱韓壽迴黃轉紫返復間得
新捐舊須臾後舊人顏色昔曾新新人恩愛行當舊
舊人紅袖泣新魚新人翠羽綴燕裾阿嬌怨賦金難
買蘇蕙迴文錦不如濁水清塵坐長歎空畱可憐誰
相於

華燭引

華亭席上酒闌樂闋禹山張子愈光誦梁人

楊子著文集卷之十三
燭賦碧玉舞罷羅裳單之句歎其警絕而惜其非賦體也抽毫襞紙屬予增損其辭以爲華燭引

六螭稅駕眠虞淵三爵行棲珠樹烟雲母疏牕花作地茱萸繡帳錦爲天銅芝抱蒂復纏柯金藕相縈共吐荷虹貫彩暈迎雨歇蜜催香焰送風過桂華漏促頻銷麝蘭燼天寒不畏蛾徐君東壁機絲少郢相南方書誤多菖蒲傳酒座欲闌碧玉舞罷羅裳單留雲影射荆王枕泫露光搖漢帝盤攬帶盈盈君不見脫纓脉脉兩相看

又別擬制一篇

紫霞西沒白日陰蘭膏明燭洞房深蛾飛迥向蓮臺度螢燭平臨桂炷沉鶴露鴈霜驚蚤寒寸心斗酒奉君歡火齊蟠烟金的爍銅荷垂燼半闌干座中碧玉好名倡清臚曼睩爛齊光燭花剪作雙蝴蝶蠟淚融成兩鳳凰便面障眉掃蛾綠搔頭墜髮渲鴉黃綺結交牕牕拂曙金鉅銷香香滿絮星翻漢回奈若何顧影徘徊送君去

六朝初唐之作絕響久矣往年吾友何仲默嘗云三百篇首睢鳩六義首乎風唐初四子

音節往往可歌而病于美缺風人之義蓋名
言也故作明月流螢諸篇擬之然微有累句
未能醇肖也升菴太史公增損梁簡文華燭
引一篇又別擬作一篇此二篇者幽情發乎
藻繪天機盪于靈聰宛焉永明大同之聲調
不雜垂拱景雲以後之語言外史小子含緩
讀七八過飄飄然有凌雲之思灑然獨醒不
覺骨戛青玉身坐紫府也噫吾與古人交久
矣吾與仙人遊久矣安得起仲默于九原而
共賞之耶張含跋

升菴文集卷十三終

升菴先生文集卷第十四

從子有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松全校

古樂府

關山月

迢迢賤妾隔湘川
杳杳征人戍朔邊
分弓營對珠龜
缺掛鏡臺臨玉兔
圓紫塞風烟白
登接黃河波浪黑
山連何時空外嬋
娟影來照樓前
歌舞筵

淮南子蚌
蛤珠龜與

月盛衰

足唐人句效古塞下曲

長榆塞上接龜沙碎葉城邊建虎牙
夜夜月爲青塚鏡年年雪作黑山花
蘇武白頭持漢節文姬紅淚泣
胡笳可憐苜蓿迷征馬誰見蒲桃入內家

燕歌行柬程以道

玄羗白狄起邊埃翠眊朱綬選將才
玉弩驚天連馬邑金精埽日過龍堆
甘泉宮裏堯零舉踈勒城邊汲綆
摧射虎瞑中間暗吼落雕雲外墜
清哀五千深入衝寒雪十萬橫行
殷霽雷楊柳先春旗葉展芙蓉不
夜劍花開錦車持節夫人至貝帶
弣弓驕子迴逐北

朝移行幕府受降秋上古輪臺青樓月對庚方出紫
塞風從丑角來擬縛名王歌杖杜肯思中婦詠條枚
新曲古意

凌波洛浦遇陳王躡步邯鄲綴舞行鸞尾鳳頭爭嬾
婉麝臍龍腦鬪芬芳巫陽臺上春先到漢月樓中夜
未央結網嬉蛛垂藻井營巢睇燕宿梅梁金仙素掌
晞金露玉女青腰裏玉霜翠織屏風交屈戌紅羅斗
帳掛香囊膩鬟斜墜烏雲滑脂體橫陳白雪光詞賦
楚王憐宋玉畫圖天老教軒皇生憎露鶴催宵急死
恨星鷄促曙忙肯信王嬙嬪絕國紅顏清淚泣玄羗

題唐人閨秀熨帛圖

碧梧葉落紅閨晚
玫砧敲月催金剪
重重海簾銀蒜
垂曲曲山屏皂羅展
廣儲懸月月月初臨
緹幕染霜霜已深
禁痒銖衣圍夜玉
嗟峨寶髻辟寒金
雲母箱開同心鎖
鈿鋸香浮九微火
秦篝齊縷閨紛華
蜀錦吳綾分婀娜
熨帛申繒憶遠行
遥遥夜夜不勝情
百層妾住垂花塢
萬里君居碎葉城
垂花碎葉音塵隔
春去秋來感行跡
深閨心斷結蠶書
絕塞眼穿無鴈帛
明燭蘭膏照獨眠
蛾眉曼睩爲誰妍
試看裴羽相思夕
何似徐吾共績年

禁痒又作冉弱
嗟峨又作倭墮

休洗紅

憫山東流賊之亂也

休洗紅紅顏薄命恨
難窮蛾眉傾國誰家女
十五纖腰媒未通
金屋盈盈嬌白日
錦窓的的玩春風
戎馬一朝生異北
黃巾萬騎滿山東
金繒賤棄如泥土
絕色爭擒獻鏑鋒
火燒野田飛墅鴨
雲映東方生蝮螫
飄零自分身如葉
憔悴誰甘首似蓬
當時不識門前路
今日能彎馬上弓
婦女何能堅節操
丈夫本自不英雄

古艷曲

二首

皎皎復盈盈
傾國更傾城
珊瑚絲結網
茗華玉篆名

宮女多相妬非關君薄情

珊瑚網西施事出吳越春秋逸篇見劉克李義山詩

註夏后氏二美女苕華刻名琬琰玉苕是琬華是琰見汲冢瑣語

掩顰來玉塞顧影戀金門翠燭勞光彩銀屏後夢魂
羅衣香未歇猶是漢宮恩

邯鄲才人嫁為廝卒婦

序曰予觀樂府有邯鄲才人嫁為廝養卒婦
特亡其辭亦失其解及考史記張耳傳洎楚
漢春秋并云趙王武臣為燕軍所獲囚於燕
獄先後使者往請輒為燕所殺趙有廝養卒
謝其舍中曰吾將載趙王歸舍中人笑之乃

走燕壁以利害說燕將燕以為然乃歸趙王
廝養卒御王以歸武臣歸趙以美人妻養卒
以報之是其事也予觀養卒有戰國策士之
風太史公書其事文既奇樂府歌其事亦奇
矣六朝及唐人擬作者皆似眯目道黑白雖
吾鄉太白亦迷其原昔吾亡友何仲默一日
讀焦仲卿妻樂府謂予曰古今惟此一篇更
無第二篇也凡歌辭簡則古此篇愈繁愈古
子庶幾焉可作一篇與此相對予謝未遑然
亦未有茲奇事直當之也去今二十年屏居

滇雲平晝無事散帙見此事思與仲卿事適
類復憶仲默言乃操觚試爲之以成此篇惜
不使仲默見之永昌張愈光亦仲默文字友
也遂徃一通以寄愈光云

團團桂花樹生在邯鄲宮翩翩翡翠鳥結巢丹桂叢
花紅何灼灼翡翠何雍雍宮中有才人顏色如花紅
青雲爲雙髻明月爲雙瞳十三阿母側十四深宮中
貞心比筠竹榮華如茂松左手抱齊瑟右手揮吳桐
紫綺爲綢繆紈素爲裁縫懶髓明點點龍涎薰褶襖
楚藻華跗薦燕支唇硃融楊子江心鏡百鍊照膽銅

複帷鎮文犀列錢銜壁缸被繡共命鳥席坐同心狹
蜻蛉嘒鳳子雞翹濯鳧翁春祺燕乙乙曉寢臣夢夢
芳池七十二寶帳三千重名用琬琰刻臂用絳紗封
昔似河中鴛今從雲中龍雲龍不可繫河鴛那得從
君王好遊獵將軍射飛鴻青樓臨大道層城俯雕甍
燕兵北方來陣馬如蟻蠓惡氛起廣陌襄國迷旌幢
悠悠俄轉轂去去成飄蓬暮看月出西朝看日出東
君王不可見日月光瞳矐湛盧失吳劍烏號亡楚弓
左將名飛虎右將名飛熊前軍千人俊後軍萬人雄
中軍張與陳耳心餘腹同前使叩燕壁後使躡前蹤

去節何揚揚歸魂杳煢煢後軍戒前覆咫尺不敢通
 王宮懸賞格賞格厚且隆侯印方斗大金帛高丘崇
 不愛印懸斗不愛金堆嵩宮中有才人顏色如花紅
 青雲頭上髻明月眼中瞳十三阿母側十四深宮中
 逝將脫薪標歸來取華容將軍問何人竈下廝養童
 軍中駭且異駭異交譏諷爾廝一何蚩爾養一何憊
 爾去何當還無吉祇有凶左將名飛虎右將名飛熊
 前軍千人俊後軍萬人雄往往不生還纍纍形影空
 鬪鬪虎狼吻嗟嗟么麼虫養卒含笑言君豈知我衷
 君亦勿賤賤君亦勿庸庸君亦勿少少君亦勿窮窮

勿以江海流棄捐溝與澗勿以芝蘭芳棄捐菲與葑
 勿以椒欂貴棄捐薤與葱君道如踐棘我道如折菱
 君道如探湯我道如撥糲我去車搖搖我來鼓鼕鼕
 朝發趙北際暮望燕南衝沐露轉磨笄戴斗但崆峒
 行行日已夕停舟易水陰當門報燕將言有趙使臨
 使者問燕將試言探臣曾燕將語趙使爾欲得爾王
 趙使笑不止爾語曠且霧燕為唇齒國趙為輔車邦
 張耳與陳餘饑鷹待勁風交遊如父子遯秦聯翼獲
 一朝仗馬箠下趙數十城各有南面志機會不巧逢
 勢屈武臣下立王持趙心趙地今已定趙王為燕擒

耳餘握趙柄武臣受燕寵王歸二人臣王囚二人公
肯迎生王輦惟逆死王鞅死王良實願求王但虛名
王魂化燕氛二人喜無忤內舉全趙勢外折弱燕鋒
問罪始有名仗義不待攻王今兵在頸行見雉離罾
臣來吊燕禍不來歸趙功燕將色如土燕王胸如春
乞爾趙王歸急歸在匆匆出門不復顧仰天荷高穹
養卒御王歸喜氣如渴虹前歌揚金鑣後舞踏錦幪
荆卿羞督亢陳馳慙遷共惠公返曲沃勾踐復吳淞
山川再清朗天地重昭明智靡秦樗里勇冠夏逢門
銅斗笑刺客玳簪慙談朋三軍咸嘖嘖衆口交喁喁

升爲堂上賓永脫竈下烘張筵列樽俎烹羔宰肥豨
纍纍繫印綬瑟瑟穿玲瓏陽阿七槃舞中山酒千鍾
厚賞陳前墀養卒辭未終宮中有才人顏色如花紅
可憐桃李子降作糟覈供始笑周尾生抱柱流寒淙
復笑蘇季子愚婦不下纒陳餘娶公乘張耳婚外黃
持將比才人才人姣無雙宮粧揚嫵都野態減妖穠
殷勤語才人才人莫心忪好去偕新郎新郎非蚩氓
繁華少佳實麗色幾歡棕請看古美人命薄恨常濃
驪姬死晉市西施沉吳江黃鵠悲陶嬰蝴蝶怨韓馮
瀉汭兩皇英南望九疑峯斑竹淚點點瀟湘波洶洶

章華貯巧笑細腰如黃蜂峽夢啼露後江眺傷青楓
阿房三十六烈燄驚丰茸娥娥總薄命嗚嗚歌懊悞
相逢恨靡蕪相思苓芙蓉爾名播樂府爾芳輝管彤
寄謝東隣子學步休言工

飛燕詠

飛燕元傾國合德更聯芳歌舞平陽第膏沐溫柔鄉
涎涎宮中去雙雙天上翔露華百英粉沉水九迴香
李文明襪練石花凝袖粧金釭星列影珠帳月齊光
避風遠條館沃雪浴蘭房香湯不沾體仙飈空引裳
吹簫慶安世持履馮無方嬌愛詎終極榮華安可常

禍水一以浸炎火允不揚莫誦伶玄傳徒令樊女傷

善哉行

夏夜苦短冬夜苦長日月旣逝春華秋霜 一解

山川嵯峨懸日孔多豈無車轅淹畱匪他 二解

獸有朋攜鳥有羣飛顧瞻中林旦往夕歸 三解

海色東起明星晨墜美人在遠寢不聊寐 四解

同心異鄉意遐思長思來何如彈琴中商 五解

附書來鴻翩翩空疾願爾千里勿遇繒緯 六解

梅花落

古樂府有梅花落曲唐人諸家作者多矣皆

咏其開不言其落也旅行松次適見梅花落
乃援舊題以成新曲雖有愧緣情庶不謬體
物云耳

落梅復落梅千片復萬片願借鼓芳風吹入披香殿

其二

古梅飄古香新梅綴新粧那枝傳妾恨何樹近君鄉

其三

梅落復梅開流光似流水君心在梅花妾意憐梅子

其四

團思更團情依幌且依楹朝朝粧靨靨日日望卿卿

合歡詠

有序

合歡爲樹夜合朝開枝葉繁互望若蟠糾風
至扶踈了不相牽綴古人所謂青囊蠲忿者
也覽晉人楊芳之詩聊繼聲焉

可憐合歡樹生我庭東廂枝枝相糾結葉葉復飄揚
烟交疑覆帳風散若分香戢華踐西柳開艷啟東桑
周詩驚采綠楚夢感昏黃贈君以蠲忿與妾同芬芳

峽東曲

白帝到江陵一千二百里欲試一日程須待春水起
布帆一百尺出自三梭織風順早歸來天際遙相識

七夕曲

此夕知何夕今秋似去秋涼風兼遠思併在最高樓

盤江行 貴州

可憐盤江河年年瘴癘多青草二三月綠烟生碧波
行人好經過

七盤勞歌

一盤谿谷低仰首愁攀躋蠶崖白雲上鳥道金天西
二盤行漸難谷口野風寒石磴愁旋馬行人各解鞍
三盤雲霧堆側徑轉迂回前旌正延佇駿騎莫相催
四盤連翠微峰日隱晴輝石齒嚙人足樹枝罨人衣

五盤勢更高俯見棲鳥巢巖巒暫相倚人馬同時勞
六盤窮攀緣真似上青天下瞰已峻絕上望更巍然
七盤險棧平眺望倚分明西征通蜀道北望指秦城

朝天嶺

落日半山拗掩映栗葉赤行客早知休前溪多虎跡

將進酒

清酤如濟濁醪如河君子有酒旨且多我當起舞君
當歌歌烏烏舞傜傜歌舞未終良夜過我首旣濡君
顏酡古稱賢達日飲無何人生安樂孰知其他
將進酒杯行遲主人且勿喧君子有所思堯置中衢

尊文王法酒旗共此融融歡無愆抑抑儀今汝年壽
等喬松名與金石期將進酒酒且終樂相樂樂無窮

張禹山云辭古調高義存鑑
戒與淳于對齊王語相似

鷓鴣歌

紺宇流霜豆房冷華燭蟠烟舞交影中有一人字鷓
鷓飛爵騰觚盼斜領蓮花漏水夜無多莫將金滴比
銀河願爲楚女巫巫山之行雨不願作甄妃洛浦之凌
波

楚妃引

金缸銜壁隨珠燭美人如月嬉華屋明星爛爛接朝

霞笑殺蘭膏誇宋玉

宵獵南夢赴長莽火似雲鯢駭雷鼓同車獨共龍陽

君纖腰美人空楚舞

莽叶滿
補切

珠履曲

漸臺織女跂東足

甘氏星經織女
東足曰漸臺

襪羅不染銀河綠

飛下天邊三素雲來舞人間八琅曲白紵繚繞豐跌

光掌中無力踏春陽共命縷纏雙蹀躞同心絲繡五

文章娉嬾輕盈邛鄴步嬖跚勃窣漢宮妬香裙漏影

蝴蝶飛蘭膏明燭翳霄暉金杯漱灑浮金影玉山摧

顏隈玉寢夢裏俄驚月入懷醒時却訝蓮生枕雪皴

霜皴起夜來花欹柳弱臨高臺牽牛呼龍種瑤草不
遣仙踪印歸道笑殺梁家與石家折腰香塵何足誇

明 新安吳勉學 校梓

楊升菴文集卷第十四

升菴先生文集卷第十五

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

五言古詩

白雲岩為謝左溪賦 名廷芝

紅雲擁帝居紫雲蔭仙籙白雲何悠揚舒卷岩之曲
震澤昔從龍液池曾下鵠出岫本無心懸車返初服
憬彼入深林跼然在空谷風聽弘景松露採淵明菊
菊露綴明珠松風韻球玉九牧謝兩龔三問諧二陸

何日和雲謠西池春草綠

衍古諺

漢時諺云殺君馬者路傍兒其言雖小可以喻大衍爲一篇感時撫事亦有諷

天馬龍爲友來自渥洼池青絲爲之絡黃金爲之鞮
圍人新承命剪拂下瑤墀騎出橫門外茸茸春草時
東城接南陌觀者咸嗟咨弄臣矜迅足長鞭終日施
汗血忽憔悴筋力盡駟馳未樹邊隅績徒爲冶遊疲
始信殺君馬端是路傍兒

題交甫解珮圖

交甫之楚遊息影依喬木道逢兩仙姝逍遙漢臯曲

星宿綴明璫雲霞裝魁服婉變蕩熒魂花艷驚凡目
目隨鞞塵揚魂與芳風逐結夢擬陽臺交辭同阿谷
榮華橘是柚貞芳筍成竹江永不可方微波春自綠

別陳玉泉

玉人將遠別投贈瓊敷篇惠而能好我裴徊病榻邊
感此萬里行曷月重周旋秦地四方樞神臯接英躔
八水忽橫流九峻俄震騫來旬屬大雅申畫寄名賢
平成紹禹績玄圭獻堯天參井與岷嶓星土元相連
應念滄浪叟好音遶鴻傳

送張嶺山職方還銅梁

佳胤

郊扉偃江介炎天方鬱埃燕居感離索蝸廬森蒿萊
高人千里駕空谷跂音來研精既理窟抽毫更逸才
玄韻紫房洞清吟文昌臺同聲起予和笑口爲君開
檣烏五兩發蘭鷁雙櫓催晤語擬傾蓋永懷芻酌壘
願言植嘉樹湛思肄條枚三莪遲屐齒七襄與瓊瑰
續東坡狂雲妬佳月
狂雲妬佳月蜉蝣撼大樹佳月了不嗔大樹何曾拒
輕薄哂王楊羣兒謗李杜光燄萬丈長江河千古注
勿言人可欺大言終自誤

懷音篇寄張惟信學士

張名潮

昆池望漢沼滇徼視梁岷音耗兩迢遞眺聽一傷神
他鄉非故園濁水限清塵脣脰徒佇想送軀邈何因
有客來天末開緘慰饑渴殷勤訪死生綢繆申契濶
光儀歛若親窮愁暫如撥萬里向炎隅五載困羈孤
山川夢張敏岐路泣楊朱燭龍屢遷舍胎蚌幾盈虛
情隨瘴嵐結竟與迴飈俱憶昔承嘉會弱植連英蒂
明輪仰重離麗澤資雙允取則斧睨柯同聲竽混籟
曳珮步文昌抽毫逼華蓋鳳液接雞栖退食競招攜
黃山上林苑玄灞曲江堤齊鑣拾瑤草對榻然青藜
郢客傳歌妙周郎顧曲迷傳歌還顧曲懽移成別促

寧知嚶鳴鸞忽作徘徊鵠去去背榮宴行行赴嚴督
三陟阻且長百罹紛交屬考槃豈中阿離索異西河
螭頭輟彩筆鶴膝擁瑠戈北道主人少南方遷客多
碧雞冠曾嶺赤虺隣荒景闔荆坐刻跡剪茅旋栖影
樵爨分獠烟桔槔通燹井鼓腹畏含沙延頸愁添癭
臬獍笑邊陲篁竹跳蠻酋挈家窟草莽乘障襍兜鍪
乞糧公山氏貸粟監河侯蓬翹隨樹羽桃梗泛苔漚
風霜瘁筋力蒲柳凋顏色居夷寡鳳嬉求仙拙鷓息
衰白歲不與昏黃日下稷新知詎相聞久要難見君
皎皎共明月悠悠間白雲棄置勿復道伊誰竟此云

天山蘇子卿遼海崔亭伯缺望洛陽城銷志長安陌
跛鰲羞驥伍委羽非鴻翮下巽饒薄田東臯餘廣澤
還鄉尚有期從君訪黃石

元謀縣歌

遙望元謀縣塚墓何纍纍借問何人墓官尸與吏骸
山川多瘴癘仕宦少生回三月春草青元謀不可行
九月草交頭元謀不可遊嗟爾營營子何爲歛來此
九州幸自寬何爲此遊盤

書李前渠藩伯公便面

望塵斗以北傾蓋江之陽命駕慰遲暮倚樓訊行藏

下榻沉疴失擁篲端憂忘玉藻敷溫麗金薤披琳瑯
淪詩綴四始逸籀括三蒼荒經詢夏后汲冢懷周王
賡臯既旦旦聆摯何洋洋維時首朱夏迅晷改青陽
款言移日稷彥會屬辰良蒲葵聊短詠木桃愧申章
九月三日見新月時有悼亡之戚
纖纖初生月掛我高樓傍常時照歡影今夕流悲光
悲光正徘徊悵望相思臺涼露露襟溼爽透風幃開
絲虫繞階緝火螢穿箔來更添漏水咽膏減缸花催
莊休歌不發潘仁心已摧商陵別鵠怨梁樹栖烏哀
未抵此時恨長歎獨難裁

息遣戍滇紀行

商秋涼風發吹我出京華赭衣裹病體紅塵蔽行車
弱姪當門啼惟我不過家行行日已夕扁舟歛潞沙
揚舲天津口回瞻見牛斗風吹紫荆樹月照青陽柳
逆流泝漕河相顧慎風波荒村聚豺虎夾岸鳴蛟鼉
僕夫困牽挽防吏苦嗔呵徐沛洪流溢滄溟浴白日
聚落雞犬空銜鱸羽毛疾暗灘持楫防洄溜揚帆慄
維纜依鸛巢寒蓬邇鮫室乘月下呂梁侵星過白楊
漫岸憬失道孤舟鬱相忘喧阗見疊浪極眺無連岡
陰霞互興沒涑雨倏淋浪溼薪戒傳火空囊愁絕糧

信宿萬籟平隣舟動歡聲聞雞共起舞買魚賀兼程
夕泊秦淮岸朝逗維揚城愁聽玉簫曲懶問瓊花名
畏途險已出勝地心猶驚真州對瓜步分歧當去住
翹思缺甕雲悵望金陵樹江浮懼濤瀾陸走淹霜露
移船鷺洲來弭榜龍江隈故人同載酒一醉雨花臺
高臺多古今百慮盈踈襟琴彈別鶴調笛喝飛鴻吟
臨風惜南鷺揆景恨西沉江程始挂席江月照采石
招搖西北明水霧東南碧銅陵夢裡過赭圻望中隔
潯陽見市塵湓浦異潮汐馬口歌獨漉魚山侯風宿
西塞漁父磯東陵道士泐估客歎浮萍放臣悲落木

秋驚赤岸楓霜謝黃州菊龜山漢陽縣鵠磯遙可見
披襟倚山閣開圖對離宴鮮飈蘋末來餘霞波外綯
枕底鳴飛湍舷際失江干仙子駐鶴嶠王孫鬪鴨闌
雲開君山出壑歸洞庭寬乾鵲噪危檣連連一何迅
試叩巴峽船果得家鄉信時序感孤懷風烟集雙鬢
江陵初解颿蒼皇理征衫家人從此別客淚不可緘
騰裝首溘路問愁程楚巖楚水縈沅澧楚岸秀蘭芷
古墓識昭丘遺坊號珠履珠坊青蕪繁昭丘白雲屯
傷心楓樹林回首桃花源天寒行旅少歲晏霜霰煩
界亭四十渡羸馬不成步幽篁詎見天密箐才分路

營窟半卉裳人烟盡槃瓠戾蟲嘯落景暴客當官戍
驅車先發响投驛遲暝霧溆浦涔陽連龍標夜郎天
遠遊吊屈子長流悲謫仙我行更迢迢千載同潜然
一葉崇安渡千波竹箭急鬼方昔云遐羅甸今初入
陰霾暄凝交瘴嵐昏曉集長亭此驛遙只尺如棘澁
石行蹶昆蹄沙炊咽蒸粒斷腸盤江河銷魂巖從坡
軍堡鳴笳近蠻營荷戟多三辰晦光彩七旬歷滂沱
芻衣行風舞蘆笙跳月歌可憐異方樂令人玄鬢皤
烟霜窮瑣旅蒞若開芳序迎曉平原來還顧殘山去
喜見青松林却辭黃茅嶼滔滔歲已周望望且夷猶

衣塵何暇拂足繭不能休碧雞儷金馬滇海昆池瀉
五尺常頰道萬里唐蒙野隋將仆碑川漢相連營下
我行更向西綿力倦攀躋砢碌穿危磴蜻蛉控絕谿
點蒼明霽雪抱珥飲晴霓蒲塞重關峻蘭津毒草低
枝寒鳩鳥下花煖杜鵑迷泖環蜮射渚啜入象畊畦
瑩角髦牛鬪斑文笮馬嘶緬書塗貝葉燹照燧松梯
風景他鄉別天倪吾道拙雲山已亂心風塵仍結舌
出門各自媚失路爲誰悅桑落豈忘憂芄觶詎申結
龍吼雄劍鳴驥歌唾壺缺蒼蒼七星關幾時却東還
瀾瀾三峽水奚啻隔中址黃犬代書郵青龍借歸舟

鴈翼翔寥廓猿聲迤阻脩何由一縮地暫作錦江遊
出嘉陵江

嘉陵駛且長千里如投梭洋洋者綠水觸石揚白波
逶迤似有情相送出袞斜雲氣接江腦日色破浪花
冥冥下無極疑是神龍家垂藤飲猿狄滄淪棲陽阿
中有南行舟遥遥通三巴惜哉不可往巨石劇狼牙
我欲鑿安流手中無莫邪長歌行路難日莫猶天涯

峭關行

晨行峭關道此道一何難曾陵高不極脩坂回鬱盤
季冬十二月時節正嚴寒馬啼踐霜雪車轍帶岡巒

凌澌正堅洳河水無汎濶通達結凍溜改徑陟嶺岈
四望少烟火鳥路俯鴻磐悲風號古木響入玄雲端
居人盡塞向行者為槃跚野狼嘯昏侶饑鴈短晚翰
迢迢村郭遠行行未解鞍凜凜歲方晏去去程猶寬
勞歌以詠志釋此越鄉歎

集弘法寺後圃小山

黃鳥語春晚青林生夏陰禪宮靜鍾梵寧知車馬音
率爾成嘉遇晤言良所欽對酒俯樓殿步履陟丘岑
謀野既有獲在遠亦會心懷哉幽寂地茲遊可重尋
擾擾望城闈欲去愧塵襟

陽升菴文集卷之五
於離會作

遙遙事行役落落無安居奉義徂江漢成旅候軺車
密親念睽隔賓筵集華裾流聲何肅穆照夜交瑛與
率爾拜嘉貺何以報相於烟霜易淹留日月方向除
曲湟浮綠藻太液敷丹渠欲嗣北來音托之西上魚

玉溪云宛
曲有味

明新安吳勉學校梓

升菴先生文集卷第十五

升菴先生文集卷第十六

成都楊慎著

從子有仁編輯

後學趙開美校正
高安陳邦瞻重校
江陽王藩臣
內江蕭如松 全校

五言古詩

荅程以道

驅馬國西門整駕城南端出宿指賓館飲餞臨河干
中道逢嘉友誰云行路難四海皆兄弟况是平生歡
贈我錦繡段佩之當衿鞶上縷膠與漆下繪芝與蘭
芝蘭芳不歇膠漆情無殫願爲雙飛鳧隨君千里翰

玉溪云可與
十九首並誦

西使將旋臥病移旬

江漢起秋色池塘生夕陰蕭條衆芳斂啁哳候蟲吟
清光徘徊暎圓景散空林采芝歌不發鍊藥行相尋
隱囊廢丹帙對晃虛清琴懷哉北望矚愴矣西飛心
端憂與雲結商聲隨風駸晏然山中暮弱懷良難任

行旅

行旅苦日短勞人知路遙忽忽歲云莫客心中搖搖
曠野饒寒氣四望但寂寥嚴霜下豐草朔風鳴枯條
浮雲起爲蓋堅冰結爲橋玉溪云下句甚奇
又有上句絕稱白日隱

餘照玄陰晦層霄鳴轂無停輪嘶馬不解鑣飛鳥夕
知還征途何迢迢無以慰苦辛興言自成謠

過河內作

晨行河內道曠然清客心太行北麓近丹流東逝深
叢芳金碧岸總翠瑛瑤林蒲梢逝餘馥柿葉垂繁陰
在藻歸樂泳遷喬聞好音客行雖云苦對此一開襟
旣懷擊壤詠復動滄浪吟古風美樂土茲情驗於今

感秋

江漢流無極浮雲去靡依類此遠遊子乘障戍邊圻
故鄉三千里山川隔音徽日夕桀括栖涼秋熠燿飛

離索星霜改端憂節序違處者怨不詹行人式不微
焉得排雲翼遙隨征鴻歸

留別栽石李子雜用選句

美人仙李姿相期拾瑤草詎意旋嵐風吹我千里道
輕舟已迅邁歸信方浩渺所是同心者不得殊懷抱
隔江猶恨遙何況滇雲杪路遠夢魂迷思君令人老
願托上林鴻好音及春早

晨發高堯東丘月渚楊墨池

荒雞嗥西隣海霞射東壁又攜孤劍征去作點蒼客
高堯亦吾廬安寧亦予宅屏居三十年宛如故鄉陌

飛屣頻登臨披衣數晨夕別離今幾時重道感疇昔
兒童已長成賓從盡衰白聯榻情綢繆晤語慰衰瘠
此行擬何爲筋力疲疆場少城雲思紛江陽春夢積
一身四處家浮生白齡迫請爲勞者歌歌罷轉愁劇

西征夜

寒重旅衾單嘿對燈花謝亂山荒壘間獨客孤眠夜
寂寞與誰同尋思似夢中勞勞無止極去去忘西東
故鄉孟冬別有約仲冬返人願天不從長征日以遠
異縣多相知樽酒話心期令會悲不能語淚爲生別滋

五日汎湖

雞鳴海色動日出林霏開紅霞晃金碧赤帝騎龍來
新晴宜理棹佯佛遊仙臺榜歌聲流唱絲管清且諧
且須醉一斗以緩腸九回

南竄始發京

秋風蕭蕭發駟車出郭東問我今何適竄身向南中
南中萬餘里去去與誰同親交滿京國只尺難相通
且喜脫幽繫未暇悲道窮矯目盼浮雲但羨高飛鴻

江陵別內

同泛洞庭波獨上西陵渡孤棹泝寒流天涯歲將暮
此際話離情羈心忽自驚佳期在何許別恨轉難平

蕭條滇海曲相思隔寒燠蕙風悲搖心茵露愁沾足
山高瘴癘多鴻鴈少經過故園千萬里夜夜夢烟蘿

離思行

二首

飛蓬無根株飄颻隨風起游子辭家鄉流落在萬里
當歌有苦調對酒無欣喜閉門愁緒集出門多荆杞
徬徨安所之斷腸分流水水流何潺湲遠遊幾時還

其二

南望蜻蛉道西眺渠濫川石子何磊磊水流何煎煎
山川隔宇縣仰視空雲烟鴻飛遠不到書迹何由傳
愁來坐自歎氣結不能言願假黃鵠羽輕舉隨風旋

采蘭引

趙弘道憲副因余之此詩改聞名爲蘭谷

廣通縣東響水關產蘭綠葉紫莖春華秋馥
蓋楚騷所稱紉佩之蘭也人家盆植如蒲葢
者蓋蘭之別種曰蓀與芷耳時川姜子見而
采之以贈予知九畹之受誣千載矣一旦而
雪作采蘭引

秋風衆草歇叢蘭揚其香綠葉與紫莖猗猗山之陽
結根不當戶無人自芬芳密林交翳翳鳴泉何湯湯
欲采往無路跼步愁寒裳美人馳目成要予以昏黃
山谷歲復晚脩佩爲誰長采芳者何人蓀芷共升堂

徒令楚老惜坐使宣尼傷感此興中懷絃琴不成章

送陳德潤還茂州

二首

鍾鼓寧樂鷄文繡詎飾豨近隨扶搖翔何似搶榆飛
勞者恒思息遊者恒思歸達生貴止足君子當知幾
宦途類嬰網稅駕真解徽陽阿可晞髮高崗堪振衣
疊疊時過中戚戚何歔歔相期保耄齒逍遙敬良暉

又

井絡當坤維岷山出其腹神禹生茲鄉石紐何蔥鬱
採藥遺古亭讀書留往谷靈峰隱秘文名山藏仙蓀
薤尾翔飄鸞穗書昂立鵠瑞協宛委圖輝映岫嶠曲

早慕子長遊晚滯周南躅煩君窈窕尋寄余琳瑯錄
雙節篇爲叅戎郭雲屏二母

周南標季蘭衛風詠栢舟淑聞播三族苦節傳千秋
郭門有雙節今古與同儔千金護襁褓九原安松楸
保抱自黃口相依到白頭仍雲繼閔閔將星紹箕裘
天道豈無知世澤楚水流叢桂旣森森慈竹還脩脩
令伯陳情表惓惓思報劉聖代倚長城豈容歸林丘
不日絲與綸封章下冕旒我歌雙節篇石室他年收

寄余懋昭 名勛

夙昔夢見君攬衣顛倒裳繫君驂驪馬要我野遊翔

貽我金僊文合誦聲琅琅方舟青衣水共釣鯉與魴
晤言交欸欸攜手何洋洋覺來一何見纍然在南荒
荒雞嗥東隣明月懸西方舉帷成起坐長嘯達晨光
因之萬里風慰言企來章

擬行行重行行

遙遙涉長途悠悠愁我心我心愁未央睽離日以深
山高水無梁寄書多浮沉魚樂在故淵鹿鳴思長林
覺時影與身夢來稠與衾端居遲日月旦暮如古今
孤願人詎知沉憂自難任君子不遐棄懷我以好音
擬青青河畔草

河水清且漣河上多芳草春風二月時千里交河道
交河漢家營荒莽少人行日暮凌風起黃沙與雲平
雲間有孤鴈附書自鄉縣翩翩欲下來聞絃却驚散
草青鴈北飛草枯鴈南歸鴈飛有歸時征人無還期

庭中有奇樹

奇樹生南國孤根來遠方佳名誰不愛植近君子堂
春風一披拂花葉何煒煌上有寄生枝亦得沾恩光
桂枝陵寒山梧桐在高岡草木非自獻信美非所將

續百一詩 十五首

齊庭陳大呂荆國起巫音雪宮繁鍾鼓朝雲進荒淫

韶醴既已遠鳳鳥不復吟中和變貞則哀怨蕩人心
師曠奏清角晉壤飛祆祿曲工知炯戒燦言成良箴
樂象析理亂誰言古猶今

其二

飲飛佩寶劍涉江遇陽侯風濤起連山雙蛟夾行舟
舟人甘朽骨壯士故不憂解衣謝行侶拔劍探靈湫
刺蛟同剗蚓怒浪成安流名傳千載譽位取三珪酬
嗤彼越王孫榜歌戲中流

其三

豫讓感知已之死無二心青華敦友義捐軀酬斷金

楊升菴文集卷十六
煌煌彼二節照曜古與今國士有餘譽參乘無知音
何當續良史鴻筆興幽沉

其四

無恤營襄國詭遇樹崇勳寶符吞中山銅斗揮代君
都邑曜錯繡戈鋌耿長雲天道如環運人事猶玦分
平原生茂草邯鄲起烟氛一爲房陵謳淒惻誰能聞
許由輕九州歸休娛潁潁共伯棄千乘結隱巢首山
漁釣性自適軒冕憂相關澤雉苦樊籠神龍樂潺湲
何事子牟心猶存魏闕間

其五

其六

大禹入裸邦纍然解衣行墨子見荆王錦衣吹玉笙
豈不易性素所重在全生栖栖非余志皎皎非余情
所愧先機者飄然反柴荆被褐懷珠玉何人知姓名

其七

墨子迴車地朝歌佳麗叢新臺旣清洒淇水復春融
鏘如南子佩錦車同衛公隋珠光照日羅衣香從風
招搖過柳市繁華驚變童堦垣望復關桑中接上宮
咄哉贊好德後乘有蹲龍

其八

周鼎鑄饗餐有首不見身食人未下咽災害旋相因
禍福互倚伏龍蛇有屈伸何事悠悠子狂冥若眯塵
感彼塞翁言宜用書君紳

其九

鄭國有良賈弦高與奚施西市黍離國東遇虎狼師
烏犍納犒質白璧通款辭乙丙已奪氣殺函成積尸
小邦得干城強敵亦何爲

其十

楚女競吳桑兩國遂交兵膏血潤百里寶玉棄連城
蟻穴潰金堤燭火爍山楹毫釐一爲跌尋丈忽已傾

由蘖在疆場扞禦非干旌安得起宋就永息瓜亭爭

其十一

尺木既有節寸玉亦有瑕清螭游濁水玄澤晃星沙
小夫工指摘巧言多誼譁丘蚓噓蟄龍折楊笑皇華
不遇明哲人終然成歎嗟

其十二

隙陰審時運瓶冰知天寒行人在萬里道路多險難
放轍愁羊腸方舟畏狂瀾渺渺音問濶迢迢歲月殫
采綠動朝思葛生勞夕嘆願言托宵夢馳景隨飛翰

其十三

齊后厭佛士甘與鮒鯢居狐啞行哭諫陳斧斲東閭
囹圄繫鸞鳳珩璜帶猿狙燕兵一旦至國象成剝廬
達生走奔綏觸子馳亡車遂令爽鳩樂鞠爲草莽墟
麋鹿游蘇臺不獨傷子胥

其十四

東方本彥士和光在塵喧竊桃朱鳥窻避世金馬門
狎俗猶鷗鳥齊物若鷄鷄虛稱羽人流空擬歲星魂
柱下自異曲滑稽豈同源惟應夏泰初千載契知言

其十五

葛藟縈樛木兔絲附女蘿夭夭二小草洪蔭仰巨柯

鄴邑美任姒湘渚詠英娥彤管久塵翳妬津生洛河

青史傷人菟黃雲驚女訛緯書黃雲翔驥牛信可乘

良法在金科古律妬婦乘
牛狗部中

東望樓

男子志四方焉能守一丘壯遊輕萬里逸跡凌九州
撫時厭迫隘胡爲此淹留越鄉悲南冠騁望登東樓
遙樹小如薺連峯如波流穹谷無足音遠水無歸舟
眺聽何所見馳目空悠悠海曲歌五噫天末詠四愁
崇山自興惻曠野誰與儔焉得雲螭駕托乘從霄浮

碧對軒

仲尼從鳳嬉子雲慕鴻飛與托寥天廓跡與名山依
伊予事執鞭夙齡脫馬鞵考室臨蒼莽開軒面翠微
碧雞栖靈景彩翬曜烟霏英岳聳升望晴巒引高晞
會心生遠意娛人留清輝玉露綴丹研璧月流金徽
息偃忘坐起晤言無是非柱下有遺言所貴知我希
學樊圃

南中謫居五詠

夙尚丘園心憬彼逍遙樂幸從黑衣行得謝朱絲縛
鋤榛理荒疇薤茸寧長薄抱甕代桔槔樹枳當籬落
春秋蒔韭菘陰陽分藁藿寒瓜織女薦雲實仙人削
紫莧春雨零綠葵晨露泊下箸有常期加餐無爽諾
厭酌賓筵醴寧羨屠門爵聊爲野人謀毋詒君子嘆

辯義井

息壤海脉通幽壑泉華注浚發百尺靈沛澤千人聚
光爛九霞漿美吸三危露朝縷環村氓夕杓喧隣孺
碧甃自葳烈銀床謝雕鑄南中饒炎燠北陸無凝涸
漱盥冰齒寒存想玄髮駐蒙莊笑埴蛙義象占谷鮒
甘芳本易竭澄渫良難遇且從投轄飲休傷輻甍賦

悠然亭

蕭蕭者東籬莪莪者南山山色無遠近如在咫尺間
茅亭敞瀟灑葦門恒反關朝見歸雲駛暮見飛鳥還

飛鳥不可即歸雲不可攀
悵我窮荒謫再見籬菊班
列樹何丰茸流泉亦潺湲
永日無氛翳地隙景自閒
時枉幽人侶暫解遊子顏
清風已千載餘波及頽頑

明 新安吳勉學 校梓

升菴先生文集卷第十六

升菴先生文集卷第十七

成都楊慎著

從子 有仁編輯

後學趙開美校正
高安陳邦瞻重校
江陽王藩臣
內江蕭如松 全校

五言古詩

擬古

上山采交藤下山逢老翁
髮白顏轉少疑是古韓終
此翁何所居乃在深山中
左右猿狖穴前後虎豹叢
風雲徑路絕人跡那能通
問年不肯荅長嘯氣何雄
翩然輕舉去策杖如飛鴻

大中丞百川張公招飲靜居寺十四韻

韶序屆仲春遲晷正駘蕩好音流
 現睨時服改纖纈英衮枉嘉招
 夙駕東闈仗祗園敞靜居香燈護
 龍象名言析秋毫陸海披珍藏稔
 歲華黍豐樂郊天絲颺曲水跡非
 陳斜川圖可仰披霧吟沈寥謀野
 乘閑曠晏粲倚文翁式遏懷葛亮
 下走本陳人汎愛容衰恙芟製厠
 端旒塵容醉清醖信宿枉仙翰何
 以酬台貺杲旭燭覆盆靈籟鳴塞
 巷永言詎能殫鏤膺矢無忘言將
 北上述志一首答蘇從仁恩王子衡
 廷相我辭承明直矯志青雲端銷
 聲絕車馬卧痾對林巒

甘此臯壤怡謝彼颺霽于晨夕詠
 鑿井春秋歌伐檀奔曦豈不疾國
 火三改鑽遊子戀所生不獲常懷安
 微尚何足云弱質良獨難衡門坐
 成遠塵冠行復彈已負濩落性更
 從樗散官進阻巖廊議退抱江湖歎
 曠哉宇宙內吾道何盤桓

送黃才伯佐冊封藩府南渭

泛泛東行舟迢迢南渭流淪波還
 楚壤派別引丹丘竹嶼臨湘烟楓
 門暎離日金節斗邊來青翰天上
 出分珪剪桐底鳴珂衣錦鄉江干
 旋露蓋海曲卸雲裝西岸搴芙蓉
 東周折楊柳燕喜拜華堂鸞詎獻
 春酒

握蘭五夜直采蕭三秋期
跂予飢渴想遲爾瓊樹枝
登大慧寺迢然臺是日杜鵑鳴于北都

驅馬出城闕置酒臨高臺
高臺見百里坐望西山隈
雲氣何飄飄彷彿接蒿萊
前有芳樹林清陰鬱徘徊
飛鳥遺之音宛轉悽以哀
杜鵑非北羽誰遣從南來
常恐商飈發使我修蘭摧
長歌行路難感激傷中懷

和余懋忠青衣別後追寄之作

抽簪畫江沙寫出腸斷詞
遙寄百里人見君昨夜思
昨夜復今朝百里又千里
歡遊坐成隔垂離從此始
垂離澗何許異國猶鄉土
雲從青衣來月自峨眉吐

雲月兩悠悠光景爲君留
因之托宵夢遠到海西頭

瓊音篇寄康對山

晨逢南州牧攜手滇之陰
言從太白來貽我瓊黃音
題封五雲爛開緘雙鳳吟
伊人先鳴者夙齡晏清襟
良史古班馬逸民今尚禽
商泛憫宋玉芻委嗟師金
泝東青霞想澣西紫芳心
戎旅未云返嵇駕何由尋
因聲萬里風調短情方深

書曰移
尚禽

尚子平禽子夏二人後漢
逸民唐詩安得山中信致

贈張愈光詩 二首

孔雀生南涪裴回紫蔚林
文采旣彪炳與世亦殊音

楊升菴文集卷十
時哉固多臍涼羅忽見尋羽毛琴以儷阿閣迥且深
一彈哀鸞唱再撫孤鷄吟荒塗不可踐爲君愁我心

又

迢迢禹氏山珠璧交晶英二六照梁乘三五連趙城
兩美必相合誰言容易并別足傷卞盃按劍嗟枚生
子續艱征賦余和從軍行同心復同患日暮天末情

又

大雅淪千載正聲代以微鷹隼乏翰采雉暈無高飛
有鳥來西極羽羣實所稀風穴吸沆瀣天池濯毛衣
翩翩千仞翔郁郁九苞輝君才文苑鳳隼雉焉能希

梧枯醴泉竭日暮恒苦饑何時逢天老駕言玄扈歸
送終安人王氏葬恩波阡

石流何湔湔湟潦增其波天陰日易晚曠野悲風多
嚴霜下喬木零雨泫柔柯蕭條我行野傷心悲如何
中道失嘉耦送此山之阿凜凜歲方宴誰與同歎歌
君看彼鳥雀各自安其窠

效古

朝遊巍峩宮暮墜峭嶒壑面笑背成歎春華秋已落
耳餘互侵陵田實相傾奪富貴生不仁榮華有銷鑠
何如商山翁茹芝詠莫莫冥鴻度達陵樊籠豈栖託

雙魚鋪

峇峇山上亭上有雙魚字回顧望新城欲將雙魚寄
泛泛東水流蘋藻相蒙翳釣竿何嫋嫋魚尾何曾麗
緘意付歸風日暮江之汜

華清月夕

華清月華滿清都玄景開玉霜竟宇下金波穿霄來
鴻濛澄寒霧繚垣靜氛埃蓮湯何窈窕松嶺亦崔嵬
景滅集靈殿聲銷按歌臺繁華自當歇蕪沒誰興哀
清光有今夕欲去重徘徊

禹山云平穩中奇

送曾東石

文鳥生岷山來翔十二樓覽德簫韶下長鳴向南州
翩翩慕儔者倦言不可留河梁一相送飄風吹方舟
山川隔光彩嘉會期三秋清商易終曲何以慰離愁
常恐麗澤遠索居多愆尤馳心如日月光彩隨南流
脫有歸飛翼因之問阻修

秋日雜詩 二首

秋霖溢城闕后土何時乾周行無軌轍出入阻且艱
長安有一士華門晝長關開徑理蓬蒿荒我蕙與蘭
蕙蘭日將歇蓬蒿不可刪仰首向浮雲慨然增永嘆

又

羲和運天晷候蟲和歲陰昔爲莎雞羽今爲蟋蟀吟
感彼蕭條節動此棲遲心旅人在異鄉相思夢同衾
登臨一以眺但見丘與岑清冷含廣澤悲商印遙林
結軫還歸來當軒撫鳴琴幽蘭久不奏誰哉知此音
贈錢少容僉事

之子體英彥弱齡稱國華先名出藝苑發跡翼名家
澄清攬飛轡亨衢有高車儀鳳自覽德神羊本觸邪
當今爽鳩墟千載同其嘉翱翔屬宇縣音塵非天涯
離居欲有贈持此代疏麻勿言吏道迫坐令爾音遐

送徐用先歸嘉州

客有歸歎歎言從隱者流高議在青瑣吾道付滄洲
滄洲多故人夙昔諧幽賞嘯歌丹崖邊攜手紫霞上
壁津春水生波浪動江城岷嶺秋芳落清音蒲蘭若
亦知江湖憂不廢登臨樂迢迢結桂枝望望阻相思
殷勤三歲字惆悵四愁詩伊予慕儔侶睽離分晤語
何時峨眉雲來作人間雨

送王舜典知成都

新解郎官綬遙分太守符嚴程趨左蜀歸榜過東吳
王壘關雲淨青城嶺月孤乾坤回治象江海接亨衢
露冕仁風播隨車解澤濡滂流通暘壤生色到寒蕪

筐篚窮方貢，兜鍪罄國須。幾年懷樂職，今日會昭蘇。
庶范歌當繼，王褒頌不諛。循良千古事，肯負兩輪朱。
和方思道毛塢之什

毛塢之什棠陵方子所作也。一曰出棘竹二
曰解藤杉三曰竈觚桐四曰榼中鯉升菴子
讀而愛之，倚而和之，改為冉冉孤生竹，裊裊
杉上藤，悄悄竈觚桐，育育榼中鯉，如其章如
其句如其意如其聲。

冉冉孤生竹，遲此方苞月。玉節本璘珣，孚尹亦旁達。
叢棘紛糾纏，興言誰剪伐。詩人執斧柯，君子在林樾。

朝看清陰成，暮聽商飈發。一歌猗蘭榮，再占泰茅拔。
不有栽培心，曲直竟何掘。

裊裊杉上藤，翳此荒水濱。蛇蚓一以結，虬龍何申申。
清風扇中壤，溼露溥高旻。奇樹既有華，散木亦有身。
歲寒異凋謝，發生何齊勻。匏瓜徒自係，持此歎迷津。
誰當貢衢室，上與階蓂倫。

悄悄竈觚桐，采自樵人塢。微軫不得薦，樽櫨亦何補。
况復近庖厨，宮商委泥土。哲匠秉清規，知音慕中古。
正聲歸雅琴，俚耳羞簧鼓。中郎不可見，虎賁猶堪取。
何時期幽尋，淥水遊春渚。

杉升菴文集 卷十
育育楹中鯉本是充庖魚戢鱗隱文章駢首相沫濡
豫且下清泠元君夢玄夫品物雖異流共戚亦通娛
但取莊生樂那知子產愚放之悠然逝相忘於江湖
誰言爾爲爾自信吾忘吾

送嚴維中

北辭鳴鳳池南登歌鳳臺命儔嘯匹侶羽翼臨當垂
舲舳張且歛河水滌復洄靡靡君行邁悠悠予軫懷
離日汀洲下驚飈林葉頽分襟一爲別懸旌搖以摧
會合良不易臨岐重徘徊圭章多特達清角少喧阗
贈言無他勗聲儀望重來

送郭价甫

三首

洋洋北流水搖搖南行舟良友當遠邁祖帳臨汀洲
歎觴恒易滿別襟苦難留形影邈千里德音誰與酬

又

德音無與酬悵然興我思人生非鹿豕安得免垂離
河洲有芳蘭采之堪贈貽猗猗揚馨香千里同襟期

又

襟期千里同川塗兩都通王道方砥年高衢騁駿雄
東賓問西主南燕遺北鴻音塵豈廖廓端居有長風

送盧師邵

名雍

空谷滯躑步石山枉佳招長風自遠來逸翮懷迥霄
期我于浮城投我以英瑤我僕已整駕我馬亦在鑣
愁霖泥修途江廣詎通舠粵子睽昔約伊人阻今朝
良會虛高言三遊絕孤標神襟重悒悒悵望倚逍遙
佳期曠何許碧雲生沈寥願附同聲翼因寄相思謔

寄嚴維中

美人在桂林貽我金琅玕高情與逸思遙下青雲端
相去萬餘里黃鵠飛猶難湘灘何悠悠衡麓峭增盤
擊汰泥清泚振衣凌嶺岼奇觀洞前古嘉藻留英翰
壯遊輕路永遠別驚年單夢澤流漸解鈴峰零露溥

遵途返星駕會闕峩雲冠伊予嬰夙疾塊然慕朋歡
愧彼桑蓬志甘此藜藿安懷書重端綺佩言芬如蘭
始願愛青華終期同歲寒酬德遂有述展歌情未殫

題赤壁圖

弘治辛酉年十四時作追錄于此

曹瞞下江陵江陵正危劇周郎美少年氣吞江漢窄
水戰得上流火攻非下策臥龍東略雄烏鵲南飛迫
妖氣掩黃星倒戈回紫陌鼎足已成形鬼蜮俄褫魄
王業聊偏安霸國何赫奕懷哉玉堂仙逝矣黃州客
文光貫斗牛天遊忘遷謫名姓識兒童畫圖燦金碧
赤壁幾千秋山青江月白

寄袁立山

有美袁州袁無論柳州柳剛方唐介儔文藻坡仙後
道是三黜餘官仍一麾守雲瑞重輪困山立小培塿
賦別欲銷魂閱視那容口飛輓疲東征穠蓂廢南畝
川滌斤伐枚水涸星在留竹馬遲細侯銅煎懷杜母
行春元有脚援溺豈無手橫目良可蘇淵衷期不負
汗清垂華勛軒冕復何有

赤岸山送別效謝靈運

茲山亘長江合沓氣象分朱壤凝炎德光輝灼頰霞
陽景有先曉陰霞遲餘曛朝暮多奇態草木含靈氤

既下鸞鶴侶亦在麋鹿群石床闕古蘚丹竈流烟瀆
遊屐久蕪沒仙跡空塵氛曰予敦玄尚偕子挹清芬
東嶠拾瑤草西岳采香芸行汎清水水坐睇峩眉雲
躑躅守甍徑罄欬何當聞

雨宿大寧館

晨櫛充國風夕沐巴嶠雨雲館枕攢峰江亭席回澣
空水相澄鮮林霏自吞吐天籟坐嘯吟烟蘿共飛舞
眇泫感躓蹄瞻喬憐滯羽懷哉喜霽吟倦爾愁霖苦
稜稜霜野鍾統統寒譙鼓惜無同懷人凍醪成獨撫

禹山云近

謝靈運

于後江鄉言辭友生

祇命向南瀆離群感西河英僚篤久要同聲鳴相和
廣筵開秩秩飛爵引僂僂披雲敷別藻揆日促淹珂
晨裝搖朔易夕駕極岷嶓旋軫陟駁原擊汰凌鴻波
流瀾玉輪汜杳靄青城阿丹誠薦蘊藻玄韻諧松蘿
臨睨自爲美契濶誰云過游鱗樂靜渚迅翼懷安柯
與彼緬焉情陳此勞者歌

玉溪云全篇不減康樂

別用貞弟

征馬矯西首離琴揚南音懿親將遠別置酒坐華林
中量豈獨淺強飲不盡斟

玉溪云甚情致

分手卽岐路千里

在寸陰習習東來風飄飄游子心山川脩且濶羈思
壯難任馳情天一涯結夢江之潯要我清商節聆子
吹箎吟

贈沐錦衣

仙山名五華迢迢上烟霞道逢兩仙童駐鶴問仙家
仙家住仙村木門蒼琅根英英衆公子楚楚諸王孫
舍後有碧梧鳳皇將九雛鳴聲何喈喈聞我蓬萊壺
兄弟八九人中子執金吾木公酌醴泉金母斟雲腴
塤箎吟何曲歷歷種白榆大婦七襄女中婦重輸姝
小婦無名字彷彿秦羅敷丈人且安坐日出東南隅

與張季文偶過虎丘次壁間韵

梵鍾百偈集客枕千念攢同人理舟楫尋僧陟林巒
遠公邀元亮靈徹訓韋丹且聽柔遠音稍蔚婆娑寒
命酒對嵇阮言詩偕卜端山阿藏鹿苑江汜臨鴻干
篁竹坐可嘯英菊饑當食作繭乃自縛將心與誰安
胥任傳說靡一咲許歷完王祭詩許歷為完
十二言猶故秦狂思叫
北闕幸免尸東桓詎期豺虎籍復登鷄馬壇從公灑
語雪俾余回情瀾漢書尹賞傳何所求
死于桓東少年場

明 新安 吳勉學 校梓

升菴先生文集卷第十七

